

VITALIS MICHAEL⁷⁷ II.

Anno 1156. Electus DUX XXXVIII. obiit Ann. 1173.

INSCRIPTIO ANTIQVA.

*Imperium vasto triremibus undique missis
Vrbis Aquileie Patriarcham tradidit.*

XXXVIII



AD clavum regiminis assumptus Vitalis Michaelius II. Rempublicam protinus populo associavit Pisano. Legitimā namque repudiata coniuge ab Imperatore amente potius, quā amante Friderico Aenobarbo; Orbe in partes diviso, dirum scindebat scisma tunicam Christi. Alex. III. R. P. contra Victorem Antip. quia adorarent Venetī, Aenobarbum concitaverant, & cum eo Patavinos, Veronenses, Ferrarienses, Aquileienses. Hostium tamen numerus victorias multiplicavit. Primus omnium in foveam cecidit, quam ipse foderat, Vlricus Patriarcha Aquileiensis, qui cum auxiliariis Carnorum copiis Gradum occupaverat. Fugatis namq; turpissimē Carnis, Vlricus in captivitatem ductus anniversaria Venetiis fovebat bacchanalia, cesso ad memoriā Tauro, cum duodecim apris, Patriarcha scilicet & duodecim Canonici. Adrienses qui Lauretum vastaverant & Caputaggeris: tuba audita militari, fugā se subdixerunt. Purgato itaque Adriaco piratis, producto Imperio, cum pax speraretur diuturna; Cæsar exurgit